

آبونه شرائطی : هریر ایچون
سنه لکی (۲۷۵) آلتی آیلغی
(۱۵۰) ممالک اجنیه ایچون
سنه لکی ۳۲۵ غروشدرد.

نسخه سی ۵ غروشدرد .
ایکی نسخه برآراده
(۱۰) غروشدرد
سنه لکی ۵۲ عددرد .

اداره خانه : باب عالی جاده سنده
رشید افندی خانبده

اخطارات
آبونه بدلی پشیندر .

مسلكه موافق آثار مع الممنونیه
قبول اولنور . درج ایدله یین
یازیلر اعاده اولماز .

الکتابخانه

۱۳۳۰

آدره من تبدیلنده آیریجه
۵ غروش کوندرلملیدر .

مکتوبلرک امضالری واضح
واوقوناقلی اولسی و آبونه
صره نومرؤسنی محتوی
بولونسی لازمدر

ممالک اجنیه ایچون آبونه
اولانلرک آدرس لری نك
فرانسزجه یازلسی رجا اولنور .

پاره کوندردلیکی زمان نهیه
داثر اولدیغی بیلدیلسی
رجا اولنور

اتبعون اهدکم سیل الرشاد

صاحب و مدیر
اشرف ادیب

باش محرر
محمد عاکف

والله یهدی من یشاء الی صراط مستقیم

معلوم اولدنی اوزره بر فلسفه دیمک بر موضوع عام ویا کلی دائر سنده مطالب و مسائل فلسفیه بی اختراعی ویا تعقیبی بر مسالک مخصوص آئنده موقع بحثه قویق و مسالک مخالفه بی ده ممکن اولدنی قدر انتقاد ایتمکدر . بر فلسفه کتابی دینلنجه بزجه ذهنه تبادر ایدمک اولان بویله بحثی بر کتابدر . بتون ذوق فلسفی ده بونددر . مقاصد و موافقک بزده کی اهمیت ده بو حیثیتد کی نقاحت و جمعیتلرندن نشأت ایتمکدر . فلسفه دعوالرینی اول امرده بویله بر مسالک مخصوص اوزرنده تحصیل ایله بر ملکه علمیة اکتساب ایتیمش اولانلر کتب فلسفیه مطالعه سندن علی الاکثر بحران روحی به مبتلا اولورلر . مسلککلاک بیوک فائده سی مطالعه ده وحدت روحیه بی تأمینی ایدم بیلیمکدر . چونکه وحدتی بوزولمش روحلرک حقیقت ایله مناسبتلری انقطاعه اوغرار . فکر دائمی الجولان کورونسه بیله اتقان وجدانی قللاز ، هر شیشه آری بر نقطه نظرله باقی و برشیده کی مختلف نقاط نظرک تنسیقه عطف نظر ایتیمک وجدان ایله وجودک ارتباط حقیقی سندن عدولدر . بونده شخصیت بوزولور . بالنتیجه اجتماعیت رخنه دار اولور . علمده و فلسفه ده اصل ایش معلومات شقی و متنوعه بی بیغمق دکل ، او معلومات آراسنده کی مناسباتی تنسیق ایدرک بر جمعیت مطلقه به وارمق دیمکدر . بوکون قلم عاجزینک توسط ایتدیکی بر کتاب ایشیدیلنجه ایلك نظرلرک بو جهته منعطف اوله جفی وارد خاطر اولور . فقط بر مسالک کتابنده بو غایه به ایرمک ایچون بتون تاریخ فلسفه بیلیمکده اقتضا ایدر . معلوم اولان بتون تاریخ فلسفه نک بر مسالک کتابنده درجی ایسه شرح موافقه بایلمق ایستلیدیکی وجهله هم قاصر و هم موجب صعوبت اولمکدر . بو اعتبار ایله تاریخ فلسفه نک افزانده مسلکی مطالعه ایچون بیوک بر فائده تحصیل وارددر . آنجق کرک معروف اولان تاریخ فلسفه کتابلری و کرک فلسفی قاموسلر و آنسیقلوبه دینر ایله اکتفا ایتیمک براکنده قالمق دیمکدر . سلیمانیه جامع شریفنک هر بجزه سنی ، هر گوشه سنی ، حاصلی صنعتی هر نقطه سنی آری آری رسملر و ایضا حاکم آئنده تفصیل ایتیمک و بو تفصیلاته بتون دقائق صنعتی صیغدرمق ، نه قدر بیوک و مهم برایش اولورسه اولسون ، اوجامعک شکل عمومیتی حقیقه بر خیال ایدینه بیلیمک دکلدر . بالکیز بونلری بیلن هر حاله عمومی بر رسم بسطک ویره جکی وضوح و حقیقت معرفتدن محرومدر . فقط اوجزئیات ایله برابر آزارنده کی مناسبات ده تنظیم ایدیلیر و بالنتیجه بر صورت کلیه دخی تثبیت اوله بیلیرسه وظیفه معرفت استکمال ایدلمش اولور . ایشته مسالک بواشی کوردر . بونک ایچوندرک مسالک فلسفیه نک دخی بالوجوه مناسبتلرینی تثبیت وجهت تباین و توافقلرینی و صور حاکم واصل اولدنی کسوة نوعیه بی تفتن ایدم بیلیمک آروجه برکال علمیدرک بونی اشبو کتاب نظر دقه آلمشدر . بناء علیه بو کتاب مؤلفلرک

دیدیکی کی تام بحثی و نظری بر حیثیت ایله تام نقلی و تاریخی بر حیثی حازدر . مطالعه اولنوب کچیله جک دکل ، او قونوب او قوتیه جق بر کتابدر . معلوم یا ، هر علمک بر نقلی ، برده عقلی وارددر . نه علوم نقلیه حصه عتلدن آزاده ، نه علوم عقلیه حصه نقلدن وارسته در . ترقی ماضیده کی قیمتلردن استغنا دکل ، اونلری تعدیلات و کشفیات جدیده ایله دهامتکامل قیمتله ابلاغ ایتیمکدر ، تعبیر آخرله ثروت اسلافه ثروت اخلافی ضم ایله مکدر . عمروبن عاص حضرتلرینک دیدیکی کی عقل ، (الاصابه بالظن و معرفة مایکون بما قد کان) یعنی عقل ظنده اصابت ایتیمک و اولمش واسطه سیله اوله جفی بیلیمک ، دییه تعریف اوله بیلیر . فی الحقیقه واقعاتک سیر ماضی سندن غفلت ایله واقع اولان اختراعات فکریه شاعرانده اولسه ابتدائیلکدن چیقاماز . اوسته سز صنعتکار ، خواجه سز عالم نه قدر قابلیتلی اولورسه اولسون مستعد برشا کرد و طالب اولمقدن ایلری کچه سز ، مکرک طوغریدن طوغری مظهر اعجاز اولسون . حالوکه دور اعجاز کچمش و دور اجتهاد آچیلیمشدر . علومک عقلیتی و فاعلیت حاضره سنی اهل ایدوب صرف نقلیتی تثبیت ایله اوغراشمق اسقولاستیک دنیان مرتبه نقایدده صایوب طورمق دیمکدر . بوایه حقیقتک حیاتی سندن و جانلی نقطه لری بولندیغندن غفلت ایلکدر . بالعکس علومک نقلیتی اهل ایدوب ساده عقلی ایله اکلیمک ، معیار سز ، مقیاس سز ، ابتدائی بر حرکت طفلانده در ، بونک یاننده اسقولاستیک رشید بر ماهیت علمیه بی حازدر اشعری بی بیلیمین رازیلکدن دم ووراماز ، نوتونی طانیان آین ایشتا سندن برشی آکلایه ماز . تحول سریع اوله بیلیر . فقط ترقی خیلی محافظه کاردر ، تحول قوت قانونی تحفظ قوت ایله متضایفدر ، ایشته تاریخ فلسفه تحولی ، مسالک فلسفی ده تحفظی تمثیل ایدر . بو تحول و تحفظ سایه سنده درک روح بشر ، ترقی ایدر و فن ، کاله طوغری کیدر .

المالی صری

مسلمانلرک

روح علمی و ادیبی

محرری : سید امیر علی

بو صیره لرده غربی آفریقا هیچ بوجهله عاقل دکلدی . (سوتیه ، طنجه ، فاس ، مراکش) ، اندلسه کی (قرطبه ، سیویل و غرناطه) ایله رقابت ایدیور ، مقتدر استادلر یتیشدیر یوردی که بونلرک آناری اسلام فکرینک هر شعبه عرفانده ناصل یورولمق بیلیم بر غیرته جالیشدیغنی اثبات ایدر .

ایتدکری جنایات دأر بر کله مؤاخذه بولونمازلر . بواهل صلیک ایقاع ایتدیکی مصیبتلرک تأثیری دواملیدی . سوریه نك حیات صرفانی احیا ایچون صلاح الدین ابوی ایله اوغللرینک وقوع بولان تشبثلرینه رغماً موفق اولامادیلر و اوکوندن بری سوریه نك عرفانی اولو قالدی .

(محمود غزنوی) دورنده (بغداد) ک سقوطنه قدر دوام ایذن مدت انساننده اسلام عالمده پک بویوک فلاسفه وعلما یتمشدی . بونلر آرمسند (ابن سینا) ، (فتح بن نابغه) ، (مبشر بن احمد) ایله اوغلی (محمود) ی ذکر ایده بیلیرز .

موغوللرک اسلام عالمی استیلاسی شمال باربارلرینک روما امپراطورلغنی استیلا ایتمه لرینه بکزمه مز . باربارلر بطاشله ایلرله مشلر و امپراطورلغک قلبکانه طوغرو یورودکری زمان بر درجهیه قدر یوموشامشله و وحشتلرینک بر قسم مهمنی ضایع ایتمشلردی . جنکیز اردولری ایسه بویله دکلدی . جنکیز اردولری تخریب ایدیچی سیلر کی غربی آسیایه آقشلردی . بونلر نزمیه آباق باصدیلرسه اوراسنی خاک ایله یکسان ایتمشلردی . موغوللرک استیلاسی و قتل عاملری آسیانک انکشاف فکریسینه بر مدت ایچون خاتمه چکدی . فقط بوزوحشیلر دین اسلامی قبول ایدر ایتز درخال ده کیشدیلر . علم و عرفان مرکز لرینک غربی ایکن اقاده می مؤسسری ، علمانک حامیسی اولدیلر . جنکیزک آلنجی حفیدی سلطان (خدا بنده) عرفانیله وارباب عرفانی حمایه سیله معزوف ایدی . فقط جنکیز اردولرینک یادیغنی قتل عاملر او قدر مدهشدی که ممتاز ذکالرک هپسی قربان اولمش ، بخارا و سمرقند کی معظم اسلام شهرلری تکرار دیریلدیلرسه ده عظمت و احتشامنی بردها احراز ایده مدیلر .

مع مافیه موغوللر (نصیرالدین الطوسی) ، (مؤبدالدین الوزیری الدثقی) ، (فخرالدین المراحی) ، (محمی الدین المغربي) ، (علی شاه النجاری) کی ودها بر جوق اسلام فیلسوفلرینی حمایه ایتمشلردر . (هلاکو) نك خلفلری بوضورتله سلفلرینک احیا ایتدکرینی اسلامه اعاده ایتک ایستمشلردر . (ایران) ده موغوللر بر جوق مدنی تشبثانده بولونیورکن (قبلاي خان) چینه علوم اسلامیینی نقل ایدیوردی . ۱۲۸۰ سنه میلادی سنده (کورچیور کینگ) ، (جمال الدین) دن (ابن یونس) ک جدوللرینی آلمش و (چین) ده نشر ایتشدی .

(محمد بن قلاؤن) ک دوزنده یاشایان (ابن شاطر) علوم ریاضیه و هیئیه ی انکشافلره مظهر ایتشدر . بوسیره لرده شرق افقند (یمورک) شخصیتی بر نجم کيسودار کی ظهور ایتشدی . سمرقنده کی تختندن بوشه نشاه آسیاده دنیانک هیچ کورمدیکی اک معظم دولتی وجوده

اون برنجی عصر میلادینک مبادیسی وسطی آسیانک احوالنده عظیم بر تبدل کوردی ؛ « بین الدوله ، امین الملة محمود غزنوی » افغان و ایرانی غزنویلرک ممالکی عدادینه ادخال ایتشدی . محمود غزنوی اطرافنده او یله بر کتیبه ادبا و علما طویلادی که بونلردورینک شان و شرفنی قات قات آرتدیردیلر . محمود غزنوی (ابوریحان محمد بن احمد البیرونی) نك دهاسنی تقدیر ایده جک برسویه ایدی . (البیرونی) فیلسوف ، ریاضیاتچی و جغرافیا عالی ایدی . دماغی بر تحیط معارفدی . (القانون المسعودی) عنوانیه تألیف ایتدیکی هیئت کتابی بر آیده عرفان و تبعدر . (البیرونی) هندستانده سیاحت ایتمش ، هندولرک لسانی ، علوم ادبیات و فلسفه سنی تدقیق ایتمش و ملاحظاتی بر اثرله نشر ایتشدر . « فی تاریخ ماللهند » نامنده کی اثریله (آثار باقیه) سی غرب لسانلرینه ترجمه ایتلدشدر . بونلردن ماعدا (البیرونی) ریاضیات ، جغرافیای ریاضی ، طبیعیات و کیمیایه دائر اثرلر براقشدر . (البیرونی) هندلیردن استفاده ایتدیکی فکرلر مقابلنده کندیلرینه بغداد مکتبک عرفانی نقل ایتشدر .

محمود غزنویلرک خلفلری دورنده معارف و صنایع معظم ترقیاته مظهر اولدی . سلجوقیلرک ظهوری و بونلرک علم و عرفانه ابدال ایتدکری حمایه عباسیلرک دورینه رقابت ایدیوردی . (طوغرول ، آلپ ارسلان ، ملک شاه ، سانجار) یالکیز شوکت و قدرتلرینک بیوکلیکی ، تبعه لرینک رفاهنی تأمین ایچون غیرتلی اعتباریله دکل ، فتنائل علمیهرلیله و حمایه عرفان ایله تمایز ایتمشلردر (جلال الدین ماکشاه) ایله وزیر (خواجه حسن نظام الملک) ک اطرافنده هیئتشناساندن ، شعرادن ، علمادن ، مؤرخلردن معظم بر کتیبه بولونیوردی . (عبدالرحمن الخازنی) ایله (عمر خیام) ک ریاستی التنده اوزمان اجرا اولونان رصدات هیئیه تقویمک اصلاحه بادی اولمش و بو اصلاح (غریقور) دن ۶۰۰ سنه اول وقوع بولمشدر . اوزمان مسلمانلر طرفندن ترتیب اولونان تقویمک دهاطوغرو اولدیغنی صاحب صلاحیت بر ذات بیان ایتکده در ...

کندیلرینه اهل صلیب نامنی ورن بر سورو حیدودک عقورانه سالدیریشلری غربی آسیاده و شمالی افریقاده علم و عرفان ایچون پک بویوک خسارلر تولید ایتدی . قودورمش پاپاسلرک سنسوق ایتدیکی سورو سورو وحشی باربارلر نه قادیلرک ضعفه ، نه اختیارلرک یاشته مشرقی بیلورد ، نه ده علم و صنعت آثارینک قیمتندن خبردار بولونیوردی . بونلر طرابلس ده کی محتشم کتبخانه یی احیا ایتدیلر . اسلامک پک معلوم مراکز عرفان و صنعتی خاک ایله یکسان ایلدیلر . تا (ژول قیصر) ک دورنده احراق اولونان اسکندریه کتبخانه سنی اونوتقی ایسته مه یین اوروپالیر بش عصر صوکره اهل صلیب ده نیلن کندی آدم لرینک ایتکاب

بولونقلری زمان مسلمانلر جغرافیای کره ارض اوزرنده تعام
ایدیورلردی .

علوم طبیعیده مسلمانلر احراز ایتدکاری ترقیاتده عظیمدر .
هامبرات عربلری علوم طبیعی نك حقیقی ^۹موجدلری اولارق یاد
ایدر . مسلمانلر اسکیلرک قباحساب معلوماتندن مثبت بر علم چیقارمشلردر .
کیما ، نباتات ، طبقات الارض ، تاریخ طبیعی ، وسائر علوم الك مقتدر
رجال اسلامیه نك نظردقتی جلب ایدیور و بونلر بو علملرله مشغول
اولورلردی .

بر علم اولارق ، کیما ، هیچ شهسز مسلمانلرک اثر ایجادیدر .
طرسوس اهاالیسندن اولان (ابو موسی جابر) عصری کیما نك حقیقی
باباسیدی . « مشسار الیهک نامی ، علم کیما تاریخنده لایموتدر . (ابو
موسی) نك علم کیما ده کشادایتدیکی دور (ریستلهی) و (لاوازیه) نك
آجدقلری دور قدر حائز اهمیتدر . (ابو موسی) بی بر جوق علمای
اسلام تعقیب ایتمشدر .

ناقلی
عمر رضا

عالم اسلام

خصوصه تاریخیه

تونسک کنج وخریتپور محررلندن اولوب افکار احرارانهسی یوزندن
حرب عمومی سنه لرنده تونس زندانلرنده حبس اولونان (احمد توفیق المدنی)
بک (تقویم المنصور) نام اثرندن مفرز عالم اسلامک بر تاریخچهسی درکه تونسده
منتشر (البدر العرب) نام رساله موفوته نك بوکره جیقان اوچونجی جلد
عائد برنجی جزئده کورولمشدر ، بزدن آیری یاشایان دینداشلمزک حقمندهکی
تلقیلرینی کوسترن بو مقاله زیادهسیله شایان دقت و عبرت اولدیفندن ترجمهسی
مناسب کورولمشدر :

شرقاً چینه تابع کاشغردن ، غرباً محیط اطلسیه ، و شمالاً قازان
بلدهسندن جنوبده عمان دکنینه قدار متعدد امتلر یاشارلر ؛ نوعیتلری
کبی عادت و طبیعتلری بک مختلف اولان بوامتلرک کیمی اسمر ، کیمی
بیاض ، بیر قسمی ده قارا اولوب جاهلیت دورلرنده بر لرله حال خاصده
ایدیلر . قرآن مبین کلوبده بونلرک آرارلنده انتشار ایدنجه اوندهکی
لاهوئی تلقینانه مسحور اولوب هپسینی اونک کتیردیکی دین ایله طوعاً
تدین ایتدیلر . او قرآن که اونلره ابدیاً بویله امر و خطاب ایدیور :
(هیکنز بدن جبل الهی به صیم صیقی پایشکنز . صاقین بیرلکدن
آیرلایمکنز) . حقیقه بدایتده مؤمنلر هپ بو اغنصام اوزره حرکت
ایدرلردی و بونک برکتیه جمله دینداشلر بر قارداش ایدیلر . و توصیف
نبوی اوزره مسلم مسلم قارش یکدیگری ترصین ایدیجی بر بنیان
مرصوص اولمشلردی : هیئت جامعه اسلامیه نك بر جسم حائده ایدی که
اعضاسندن بریسنک تالمی ایله اعضای سائر در حال متأثر و مضطرب

کتیرمش و (ایران) ایله (توران) آره سننده کی لایموت مجادلهیی
مقاومتسوز ارادهسیله اراله ایدیور رمشدی . (تیمور) علم و عرفانک
حامیسی ایدی . علمانک مجلسلرنده بولونهیی جوق سهووردی .
بالذات کندیسیده بر مؤلف و بر فقیه ایدی .

محتشم مدرسهلر ، معظم جامعلر ، واسع کتبخانهلر بو بویوک
آدمک ذوق عرفانپورویسنه شهادت ایتمکدهدر .

« تیمور ، امویلرک اندلسده ، ایلك خلفای عباسیه نك آسیاده
تأسیس ایتدکاری دولتلر مستثنا اولق اوزره تاریخ اسلامک الك معظم
دولتی تأسیس ایتمشدر . « جامی ، سهیلی ، علی شیر امیر ، (تیمور) ک
وارنلری زماننده کی دوره فاضله نور ایدن رجالک بر قسمیدر .
(تیمور) ک زوجہسی بی بی خانم طرفندن تأسیس اولونوب نامیه توسیم
اولونان مدرسه اسلام آثار معماریه نك الك محتشملرندن بری اولق
اوزره حالا نظر دقتی جلب ایتمکدهدر .

(تیمور) ک اوغلی (شاه رخ میرزا) حمایه معارف خصوصنده
باباسنی تقلید ایتمشدر . صالح و مسالمت ایچنده کچن یاریم عصرلق دور
حکومتی ترقیات فکریه و تنبغات علمییه اعتبار یله فوق العاده شایان دقتدر .
(شاه رخ) مقرر حکومتی (سمرقند) دن (هرات) . نقل ایتدیکی
زمان سمرقند شهری احتشامندن هیچ رشی ضایع ایتاماشدی (شاه رخ
میرزا) نك اوغلی (اولوغ) بک (سمرقند) ک شان علمی و ادیبینی
ادامه ایتدی . بک یوکسک بر هیئتشناس اولان (اولوغ) بک نامی
ایدیلشدیرن رصدانک اجرائیه نظارت و ریاست ایتمشدر . اولوغ بک
ایله عصری هیئتک و وسیعی اولان (کهلر) آره سننده آنجق بر عصرلق
مدت وارددر .

مسلمانلر یالکنز هیئت علمی احیاء و انکشاف ایتدیرمه دیلر ؛ ریاضیات
عالیه نك هر شعبه سننده اسلام دهاسنک ایزلری کورونور . کرچه
یونانیلرک جبری اختراع ایتدکاری سویله نیورسه ده یونانیلر بونی
یالکنز را کلنجه اوله رق قوللانیه یلمشلردر . مسلمانلر جبری دهایوکسک
مقاصد ایچون استخدام ایدرک اوکا کندی دورلرینه قدر مجهول اولان
برقیمت ویرمشلردر . یالکنز علم جبر ، هندسه ، و حساب دکل ،
میخانیک و علم ضیاده مسلمانلرک یدنده عظیم ترقیاته مظهر اولمشلردر .
مسلمانلر کروی مثلثاتی اختراع ایتدیلر ، جبری ، هندسهیی ایلك تطبیق
ایدن اولدیلر . جغرافی ریاضیانه مسلمانلرک الله ایتدکاری ترقیات
دها آزار اهمیتلی دکدر . (ابن حوقل) ، (مقریزی) ، (اصطخری) ،
(مسعودی) ، (بیرونی) ، (الکومی) ، (الادریسی) ، (قزوینی) ،
(ابن الوریدی) نك آثار مسلمانلرک (رسم الارض) تسمیه ایتدکاری
بوشعبه علمده نلر احراز ایتدکاری ایضاح ایدر . بوتون اوروپا ارضک
مسطح اولدیغنه اعتقاد ایتدیکی و باشقه درلو دوشونلری یاقغه آماده